

《中國地方藝文薈萃》編委會 編

中國地方藝文薈萃

學苑出版社

中國卷·第三輯 拾

中南卷·第二輯
拾

中國地方藝文薈萃

《中國地方藝文薈萃》編委會 編

貴州師範學院內部使用

第十册目錄

嶺南羣雅初集三卷補二卷二集三卷(三)……………一

嶺南羣雅初集三卷補二卷二集三卷(三)

貴州师范学院内部使用

嶺南羣雅初集三卷補二卷二集三卷(三)

(清) 劉彬華輯

據清嘉慶十八年(一八一三)玉壺山房刻本影印

嶺南羣雅

番禺劉彬華藻林輯

林家桂

字辛山吳川人嘉慶甲子舉人著有軒軒軒詩集

玉蕊山房詩話高州詞人余所知者辛山及電白三邵父子辛山詩疎厲風發近體佳句如夜靜市聲細月低人影長正隨諸韻轉舟楫兩崖奔懷人聞卷暗近海得秋多雨窗秋醉濕宵長成鼓詭漁燈人水星浮出山影沈江樹倒生爭渡人喧鄉語雜打魚船過市風腥寫難狀之景如在眼前

題家特巖明經掃花坐晚涼小照

有手不寫北風圖有腰不佩招涼珠得閑且復坐斯須清涼之國歸吾廬為此圖者非倪迂令我熱腦毛骨蘇搖扇不用平頭奴猶憶前歲同書厨繼愛亭側蓮花扶雲坪都督紛招呼作詩消夏君與吾落花風軟天將晡此景人畫猶模糊昔今陳迹如

此夫熱中汗背胡爲乎

七月十二日與招畫堊陸颺墀李鑑東李柏巖羅澄川

馬雲谷小飲觀山仍用東坡聚星堂韻

我昔北遊乘一葉平山直上小香雪萬徑松風捲怒濤五月如
秋氣清絕往事侵尋忽十霜世路崎嶇驚九折閉蹤偶此追權
娛真諦從茲證生滅談禪衆口詫雷奔看山兩眼如電掣林聲
撼撼入盃鳴江色鱗鱗鋪錦纈此席雖無海陸珍有味若和薑
桂屑生門騰影回頭空鴻爪雪泥轉眼瞥潑墨跳珠擁樹來舊
雨停雲揮塵說君等未可誤山林曾有 天書徵老鐵

次樊雲坪都督過郡暮山至龍門防海韻

南交南之南廉乃古荒服諸葛銅鼓埋新息馬足逐余靖有鈎
遺費詒所卯伏孟操如冰清陳節若山豨羣賢濟恩威一洗陋

巖谷分茅忽已斷大廉爲之續龍牙多旗張畫巒等盃覆平坡
如雲濤長原似鱸舫地雷空殷殷兔置亦肅肅山路直如弦巖
石利於鏃高峰頭欲昂遠岫首盡縮野曠黃稻廉州名攢巖空白
雲宿秦時木客行楚騷山鬼哭瘴氣變陰晴巒花亂遲速兩山
忽蜷連一人如壁複大山官小山縱日在天目融結有珠池講
院少嶽麓高高復下下油油雜菽菽清溪曲迴腸惡浪高壓屋
捕魚力代耕濟筱編以竹上山又五黃廉州名我身如一穀聳肩
若連雲嵐重疑折軸人方嗟路難我喜獲眼福流連戀光景比
例擬貪黷拂袖歸去來擺脫瘴癘毒椰幕諸罔巒車馬尙懸束
戊辰余客遊廉州擬遊欽州分茅椰幕諸山不果今春報蠶動小腆肆殺戮猶傳漢詔
寬尙恢湯網祝天下馬將軍人聞歸太僕謂楊觀察已足蠶百
蠻不俟用三木道之如鳥散降者亦容登刁樓絕烽煙營門息

剝啄長公天涯亭陳瓘壁記讀歸示我以詩敢拜命之辱虎嘯
風英英鳳吟聲足足觸撥舊遊情想像今擊鼓學步一合毫亦
云樂匪獨

題蔣雙湖天際歸舟圖次韓桂舫中丞韻

金陵曾煮桃花粥燕市誰分網餅茶寸草心情縈彼岸三吳骨
月散如沙書無伯約當歸寄義足希文復姓誇此去蔣侯山外
路帆檣點點繞慈鴉

擬張茂先勵志詩

大塊逆旅年歲客遊前過後逐行靡盡頭今此何夕又月之秋
采采其實懿彼純修其修惟何植志爲幹旣養靈苗汲古澆灌
收杆濯濯斧戕旦旦初哉首基十得其半前請有言心亨習坎
殆厲生明佚耽致闇束固筋膚張明心瞻雷動風飛泰宇夷澹

此厥不定進谷退谷如駕千里中道脫輟如田斯田棄彼碌磳
載震載與載晷載夙精衛塞海大海弗填蚊虻負山高山弗顛
彼物而微其力則綿烈伊人矣曷云其延心苦鑿洞氣和力剛
如火之觀如膽之嘗如春之曙如秋之霜四者體備厥聲硠硠
其聲聿駿其車有由萃甲毫末養爲蔽牛斷村傲甕累爲危樓
蹄涔觴濫滙爲洪流茲事雖細可以喻學靈源內湛英聲遠蹕
德寓澍澍巍望嶽嶽天外三峰特露頭角尋源反要奧研幽探
守不厭吝學不厭婪守跛得駿茹葉得甘此謂知本敬書筌三

舟晚

秋波寒澈午風清葉葉帆圓客舸輕沿岸人家團竹暗傍巖漁
火隔烟明江沉夜氣山無影棹擊流光月有聲擬向驪珠臺上

遊覽集 小立聽龍鳴

嶺南羣雅

番禺劉彬華藻林輯

張維屏

字子樹一字南山番禺人嘉慶甲子舉人著有聽松廬集

玉壘山房詩話南山幼稟庭訓學有根柢稚齒工吟長復

其詩激賞之與陽春譚侯香山黃子實並稱為粵東

體則伉爽高華意致則沈鬱頓挫句如奇愁歸碧海得句

徐馬頭賦曉月人面凍春霜哀樂中年味關河獨客心天

全沈北顧山泰山霞氣天然暝暝易水風聲寒馬寒暮禽有

水澄天心依骨肉常多夢身急功名易損才肝膽只宜明

見松形奇古輒下拜近又聞其研究經史撰經訓謀心讀

感懷五首

錄一

涼飈歛夕烟素月光在林美人眷清夜開軒彈玉琴掩抑未終
曲徘徊攬憂襟衆耳習凡響此曲誰知音仰視孤鴻翔耿耿方
橫參牛女永相望河漢廣且深亦有同心人離居傷滯淫容輝
不可接悠悠千里心

塞下曲

萬里黃龍戍三秋白雁來弓鳴邊月墮帳卷陣雲開楊柳樓中
笛葡萄馬上盃長懷請纓志不上望鄉臺

俠客行

貴人赫赫權如山門前鷹犬十百一日不得閒一解高堂華屋大
酒肥肉粉白黛綠哀絲豪竹貴人不足二解貴人不足鷹犬僕僕
天陰鬼哭三解鬼哭聲啾啾怪樹啼鴉鷓客從何方來下馬直上
酒家樓四解寒風如刀雪如水酒家樓頭劍光起明日喧傳貴人

死解五

并州兒

生小并州住呼鷹出古原自言吾有母不敢受人恩

飛將曲

飛將下邊關呼聲動黑山單于已宵遁把酒看刀環

詠史七首錄二

兵符盜得解秦兵屠客偕行事竟成若使報恩徒勿頸世間容
易覓侯嬴

大賈由來只患貧釣竒竟滅虎狼秦可憐六國多良將不及邯
鄲一美人

晚霽池上

雨餘新水高花外夕陽麗幽人池上立涼碧洗殘醉萍開見人

影躑刺游鱗避風蟬助淒吟雲雁引遙睇遠峯青黛孤初月白
眉細晚飯烹瓜壺秋衣剪荷芰漫營二徑資且作一竿計

紫藤曲二首

紫藤幕徑香雲裊花枝泣露金鈴小嬌魂不定蝴蝶愁玉枕微
均失春曉珠帷貼地蘭堂深蠶眠細字絨來禽雲梯盤盤折鴻
翼鏡網破碎珊瑚沈阿母由來愛方朔碧桃花下流霞酌胡麻
未熟丹竈寒麻姑髻上霜華落

枯槎觸石銀河乾白鳳病渴青鸞翻何時懶龍吸海水絳津宛
轉通微瀾匏瓜欲墜罡風起雲輶斷送嬋娟子觀香小妹怯宵
寒玉樓十二秋如水脩蛾不展枕手眠夢墮舊時亭院邊暗塵
漠漠紫藤化化作冷猿啼暮煙

登樓

西北有高樓樓前杜若洲美人如斷雁往事問牽牛璧月隨風
去銀雲學水流明河原不遠只在柳梢頭

仇英十八羅漢圖

一丸在手光熊熊鱗而蚴蟉來飛龍一坐磐石凝雙瞳一拱而
立夜叉侍頂上古鼎烟冥濛高者持珠據怪松下者昂首如相
從老者拂塵眉青茸少者有若還珠童皤其腹者容體豐得大
解脫披心胸瘦者欲出羞龍鍾卻立山背扶孤筇咫尺颼颼驚
山風波羅敦圍毛鬚鬆袒右臂者顏酒紅寶手欲下膽氣雄離
立者一參以一指揮獅象如奴僮虬鬚者獨伸食指指上白氣
長如虹琉璃雲氣盤虛空一合掌拜方鞠躬上有石壁高龍棍
下有澗水流淙淙或撲鉢坐清溪東或洗足向寒流中懸崖陡
絕見一老三心寂滅如癡聾一十八尊狀不同法門不二一筆

通披圖光怪驅塵蒙花雨欲落聞疎鐘

落葉三首 錄二

獨夜哀蟬唱寥天斷雁過忽驚山骨削漸覺月光多颯颯催征
騎蕭蕭隨逝波洞庭秋思濶不爲弔湘娥

老衲倦掃地幽人驚叩門有時兼雨點無處著烟痕短夢何曾
穩羈懷不可論支撐憑鐵幹生意在孤根

野鷹來

野鷹來林鶴哀骨肉狼籍紛蒼苔彎弓射鷹不可得樹高林密
烟霧黑鷹方得志鶴何辜鶴亦銜魚歸哺雛君不見雞啄蟲蟻
終被縛螳螂背後有黃雀

羊矢坑

羊矢坑邊豺虎窟驚鷹捲樹日光沒樹頭老烏啼啞啞飛下草